

Oqaluuserisassanut nassuiaat.

(Inatsisartut Siulittaasoqarfiat)

Ilaqutariinnermut Peqqissutsimullu Ataatsimiititaliaq qinnuteqarpoq oqaluuserisassani immikkoortut 29 aamma 32-ip aappassaaneerpeqarnissaasa UPA2014-imut kinguartinneqarnissaannik:

Punkt 29:

Inoqutigiit isertitaasa annertussusaat aallaavigalugu utoqqalinersiat ilanngaateqartinneqartarnerisa atorunnaarsinneqarnissaa siunertaralugu Utoqqalinermi pensionisiat pillugit Inatsisartut peqqussutaat nr. 3, 7. maj 2007-imeersup Naalakkersuisut kingusinnerpaamik UKA14-mi allangortitsinissaat pillugu Inatsisartuni aalajangiiffigisassatut siunnersuut, aamma

Punkt 32:

Utoqqalinersiuteqartut angerlarsimaffimmini ikiorteqartarnerminnut akiliisarunnaarnissaat siunertaralugu Inatsisartut peqqussutaat nr. 15, 20. november 2006-imeersumi § 29-ip allangortinneqarnissaa siunertaralugu Naalakkersuisut siunnersuummik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

Sanaartornermut Ataatsimiititaliaq qinnuteqarpoq oqaluuserisassani immikkoortup 34-ip aappassaaneerpeqarnissaata UPA2014-imut kinguartinneqarnissaannik:

Punkt 34:

Inissianik attartortut piffissaq eqqorlugu akiliuteqartartut siunissami attartortunut akiliineq ajortunut akiliussisarnerannik aningaasartuutinullu taakku akilinngisaannik akiliisarnerannik pisussaaffeerullugit, inissianik akiliutit aalajangersarneqartarnerat pillugu maleruagassanut atuuttunut Naalakkersuisut allanguutissaannik siunnersuusiornissaat pillugu Inatsisartuni aalajangiiffigisassatut siunnersuut.

Naalakkersuisut Siulittaasuat qinnuteqarpoq oqaluuserisassani immikkoortup 13-ip ataatsimiinnermi matumani oqaluuserisassanit peerneqarnissaanik:

Punkt 13:

Nunat avannarliit suleqatigiinnerat pillugu nassuiaat 2012.

Piffissami ullumi novembarip 26-aniit 27-at ilanngullugu Inatsisartunut ilaasortat:

Aleqa Hammond, Siumut aamma Hans Aronsen, Inuit Ataqatigiit aamma

Doris Jakobsen, Siumut aamma Ane Hansen, Inuit Ataqatigiit kiisalu ullumi ataatsimiinnermi

Naaja Nathanielsen, Inuit Ataqatigiit aamma Per Berthelsen, Siumut aamma

Randi Broberg, Partii Inuit aamma Aqqaluaq B. Egede, Inuit Ataqatigiit

taasisarnerit pillugit isumaqatigiissuteqarput.